

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

বুধবার, ডিসেম্বর ১১, ২০১৯

গণপ্রজাতন্ত্রী বাংলাদেশ সরকার
শ্রম ও কর্মসংস্থান মন্ত্রণালয়
চেয়ারম্যানের কার্যালয়
নিম্নতম মজুরী বোর্ড

বিজ্ঞপ্তি

তারিখ : ২০ অগ্রহায়ণ, ১৪২৬ বঙ্গাব্দ/০৫ ডিসেম্বর, ২০১৯ খ্রিস্টাব্দ

নং ৪০.০৪.০০০০.০০২.৩৬.০০২.১৯.২৩১—বাংলাদেশ শ্রম আইন, ২০০৬ (২০০৬ সনের ৪২ নং আইন) এর ১৩৯ (১) ধারা এবং বাংলাদেশ শ্রম বিধিমালা, ২০১৫ এর ১২৮ (১) বিধি মোতাবেক নিম্নতম মজুরী বোর্ড কর্তৃক “প্লাস্টিক” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরী হারের খসড়া সুপারিশ, ২০১৯ জনসাধারণের/সংশ্লিষ্ট সকলের অবগতির জন্য অত্র বিজ্ঞপ্তি মারফত জানানো যাইতেছে।

অত্র বিজ্ঞপ্তিতে প্রকাশিত “প্লাস্টিক” শিল্প সেক্টরে নিযুক্ত সকল শ্রেণির শ্রমিকগণের নিম্নতম মজুরী হারের খসড়া সুপারিশের উপর যদি কাহারও কোনো আপত্তি বা সুপারিশ থাকে তাহা হইলে এই গেজেট বিজ্ঞপ্তি প্রকাশের ১৪ (চৌদ্দ) দিনের মধ্যে উক্ত আপত্তি বা সুপারিশ উপাত্তসহ লিখিতভাবে চেয়ারম্যান, নিম্নতম মজুরী বোর্ড, ২২/১ তোপখানা রোড, বাশিকপ ভবন (৬ষ্ঠ তলা), সেগুনবাগিচা, ঢাকা-১০০০ বরাবর পাঠাইতে হইবে। উক্ত সময়সীমার মধ্যে প্রদত্ত আপত্তি বা সুপারিশ বিবেচনার পর বোর্ড সরকারের নিকট সুপারিশ পেশ করিবেন।

সৈয়দ আমিনুল ইসলাম
চেয়ারম্যান (সিনিয়র জেলা জজ)
নিম্নতম মজুরী বোর্ড, ঢাকা।

(২৫৬৯১)

মূল্য : টাকা ৮.০০

“প্লাস্টিক” শিল্প

খসড়া সুপারিশ-২০১৯

গণপ্রজাতন্ত্রী বাংলাদেশ সরকারের শ্রম ও কর্মসংস্থান মন্ত্রণালয় এর স্মারক নং ৪০.০০.০০০০.০১৬. ৩২.০৮২.১৭.৩৭ তারিখ : ০৩-০৪-২০১৯ খ্রিস্টাব্দ মূলে আইন ও বিধি মোতাবেক “প্লাস্টিক” শিল্প সেক্টরে নিম্নতম মজুরী নির্ধারণের কার্যক্রম গ্রহণের জন্য নিম্নতম মজুরী বোর্ডের চেয়ারম্যানকে অনুরোধ জানানো হয় এবং ১১-০৩-২০১৯ তারিখে বাংলাদেশ গেজেটের অতিরিক্ত সংখ্যায় প্রকাশিত প্রজ্ঞাপন মূলে (এস. আর. ও নম্বর ৬৭-আইন/২০১৯ তারিখ: ১১-০৩-২০১৯) নিম্নতম মজুরী বোর্ডে “প্লাস্টিক” শিল্প সেক্টরের প্রতিনিধিত্ব করিবার জন্য মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য নিয়োগ করা হয়।

অতঃপর নিম্নতম মজুরী বোর্ড “প্লাস্টিক” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরী হারের সুপারিশ প্রণয়নের উদ্দেশ্যে নিম্নতম মজুরী বোর্ডের একাধিক সভা অনুষ্ঠিত হয়। এছাড়া বোর্ডের চেয়ারম্যান ও সদস্যগণ গাজীপুর জেলায় অবস্থিত বেঙ্গল পলিমার ওয়্যারস লিমিটেড, নারায়ণগঞ্জ জেলায় অবস্থিত লুনা পলিমার ইন্ডাস্ট্রি লিমিটেড এবং ঢাকা জেলায় অবস্থিত মহসিন প্লাস্টিক প্রোডাক্ট ও রিফাত প্লাস্টিক প্রোডাক্ট এর কারখানা উপস্থিত হইয়া বিভিন্ন কার্যক্রম পর্যবেক্ষণ এবং তথ্য উপাত্ত সংগ্রহ করেন। বোর্ডের সভায় সংশ্লিষ্ট শিল্পের মালিকগণের প্রতিনিধিত্বকারী সদস্য ও শ্রমিকগণের প্রতিনিধিত্বকারী সদস্য কর্তৃক দাখিলকৃত মজুরী প্রস্তাবসহ শ্রমিকগণের জীবনযাপন ব্যয়, জীবনযাপনের মান, উৎপাদন খরচ, উৎপাদনশীলতা, উৎপাদিত দ্রব্যের মূল্য, মুদ্রাস্ফীতি, কাজের ধরণ, ঝুঁকি ও মান, ব্যবসায়িক সামর্থ, দেশের এবং সংশ্লিষ্ট এলাকার আর্থ-সামাজিক অবস্থা এবং অন্যান্য প্রাসঙ্গিক বিষয় পর্যালোচনা করা হয়। সার্বিক অবস্থা বিবেচনাপূর্বক বাংলাদেশ শ্রম আইন, ২০০৬ এর ধারা ১৩৯ মোতাবেক “প্লাস্টিক” শিল্প সেক্টরে নিযুক্ত সকল শ্রেণির শ্রমিকগণের জন্য নিম্নতম মজুরী হার নির্ধারণের বিষয়ে নিম্নতম মজুরী বোর্ড সর্ব সম্মতিক্রমে গণপ্রজাতন্ত্রী বাংলাদেশ সরকারের নিকট নিম্নলিখিতভাবে খসড়া সুপারিশ পেশ করিল:

- ১। এই সুপারিশে উল্লিখিত নিম্নতম মজুরী হার বাংলাদেশে অবস্থিত সকল এলাকার “প্লাস্টিক” শিল্প সেক্টরের জন্য প্রযোজ্য হইবে।
- ২। এই সুপারিশে উল্লিখিত পদের অতিরিক্ত কোনো পদ সংশ্লিষ্ট শিল্পে পূর্ব হইতে বিদ্যমান অথবা পরবর্তীতে সংযোজিত হইলে উহা যথাযথ শ্রেণিতে/গ্রেডে অন্তর্ভুক্ত করা যাইবে।
- ৩। উক্ত শিল্প সেক্টরের তফসিলে উল্লিখিত শ্রমিক বর্তমানে যে গ্রেডে কর্মরত আছেন সেই গ্রেডেই তাহাকে স্থলাভিষিক্ত করিয়া এই মজুরী কাঠামোর সহিত সমন্বয়পূর্বক তাহার মজুরী নির্ধারণ করিতে হইবে। কোনো শ্রমিককে নিম্ন গ্রেডভুক্ত করা যাইবে না।

- ৪। এই সুপারিশের প্রেক্ষিতে সরকার কর্তৃক প্রজ্ঞাপন জারির পর হইতে উক্ত শিল্প সেক্টরের মালিকগণ তফসিলে উল্লিখিত পদবিন্যাস অনুযায়ী শ্রমিককে যথাযথ পদে সন্নিবেশিত করিয়া মজুরী রেজিস্টারভুক্তকরত মজুরী প্লিপ প্রদান করিবেন।
- ৫। তফসিল “ক” ও “খ” এ উল্লিখিত মজুরী মাসিক নিম্নতম মজুরী হিসাবে গণ্য হইবে এবং উক্ত নিম্নতম মজুরী অপেক্ষা কম মজুরী প্রদান করা যাইবে না। এছাড়া উক্ত নিম্নতম মজুরী অপেক্ষা অধিকহারে মজুরী প্রদত্ত হইয়া থাকিলে তাহা হ্রাস করা যাইবে না।
- ৬। নিয়োগকর্তা বা মালিকপক্ষ ইচ্ছা করিলে স্ব-উদ্যোগে বা এককভাবে বা যৌথ উদ্যোগে সম্পাদিত চুক্তি অনুযায়ী কোনো শ্রমিক অথবা শ্রমিকগণকে অধিক হারে মজুরী প্রদান করিতে পারিবেন।
- ৭। উক্ত শিল্প সেক্টরে কোনো শ্রমিক ঠিকাদারের মাধ্যমে নিয়োজিত হইয়া মজুরী প্রাপ্ত হইয়া থাকিলে উক্ত শ্রমিকও বাংলাদেশ শ্রম আইন, ২০০৬ এর ধারা ২(৬৫) অনুযায়ী “শ্রমিক” বলিয়া গণ্য হইবেন। উক্ত শিল্প সেক্টরে কোনো শ্রমিকের ঠিকাদারের নিকট প্রাপ্য পাওনাদির ক্ষেত্রে সমস্যা সৃষ্টি হইলে তাহার দায়দায়িত্ব মালিকপক্ষের উপর বর্তাইবে। ঠিকাদার নিম্নতম মজুরী বোর্ডের সুপারিশের আলোকে সরকার কর্তৃক শ্রমিকের জন্য ঘোষিত নিম্নতম মজুরী অপেক্ষা কোনোক্রমেই কম মজুরী প্রদান করিতে পারিবেন না।
- ৮। শর্ত (৭) এ উল্লিখিত নিয়োগকারী ঠিকাদার বাংলাদেশ শ্রম আইন, ২০০৬ এর ধারা ১২১, ধারা ১৫০ এবং ধারা ১৬১ এর বিধান মোতাবেক মালিকের ন্যায় একইরূপ ব্যবস্থা গ্রহণ করিবেন।
- ৯। উক্ত শিল্প সেক্টরের মালিক যদি শ্রমিককে ফুরন ভিত্তিক (Piece rate) মজুরী প্রদান করিয়া থাকেন, তবে তফসিলে উল্লিখিত হারে ও উপরি-উক্ত শর্তাধীনে মজুরীর হার এইরূপ হারে সংশোধন করিতে হইবে যাহাতে তাহারা বিভিন্ন শ্রেণিভুক্ত শ্রমিকের জন্য নির্ধারিত নিম্নতম মজুরী অপেক্ষা কম মজুরী প্রাপ্ত না হন।
- ১০। তফসিলে উল্লিখিত নিম্নতম মজুরী ও বিভিন্ন ভাতাদি ছাড়াও শ্রমিক কর্মরত প্রতিষ্ঠানে অন্যান্য যে সকল অধিকার, সুযোগ-সুবিধা ও ভাতা পাইয়া থাকেন তাহা বাংলাদেশ শ্রম আইন, ২০০৬ এর সংশ্লিষ্ট ধারার বিধান মোতাবেক বলবৎ ও অব্যাহত থাকিবে।
- ১১। এই সুপারিশে উল্লিখিত নিম্নতম মজুরী সমন্বয় করিয়া ০১(এক) বৎসর কর্মরত থাকার পর শ্রমিকগণের মূল মজুরীর ৫% হারে বাৎসরিক ভিত্তিতে মজুরী বৃদ্ধি পাইবে। পরবর্তী বৎসরে ক্রমবর্ধমান হারে পুনরায় মূল মজুরীর ৫% হারে বৃদ্ধি পাইবে। “প্লাস্টিক” শিল্প সেক্টরে ফুরনভিত্তিক (Piece rate) মজুরীতে কর্মরত শ্রমিকগণও বাৎসরিক ভিত্তিতে মূল মজুরীর ৫% হারে মজুরী বৃদ্ধির সুবিধা পাইবে।

ব্যাখ্যা : যদি একজন শ্রমিকের মূল মজুরী ৫০০০/- (পাঁচ হাজার) টাকা হয়; তবে এক বৎসর কর্মরত থাকার পর তাহার বাৎসরিক মজুরী বৃদ্ধি পাইয়া মূল মজুরী ৫২৫০/- (পাঁচ হাজার দুইশত পঞ্চাশ) টাকা নির্ধারিত হইবে। পরবর্তী বৎসরে ক্রমবর্ধমান হারে পুনরায় ৫% হারে বৃদ্ধি পাইবে। অর্থাৎ মূল মজুরী ৫২৫০/- (পাঁচ হাজার দুইশত পঞ্চাশ) টাকার ৫% বৃদ্ধি পাইয়া ৫৫১২.৫০ (পাঁচ হাজার পাঁচশত বারো টাকা পঞ্চাশ পয়সা) টাকা নির্ধারিত হইবে।

১২। উক্ত শিল্প সেক্টরে নিযুক্ত শ্রমিক বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সংশ্লিষ্ট ধারা ও বিধি অনুযায়ী ভাতাদি এবং অন্যান্য সুবিধাদি প্রাপ্য হইবেন।

১৩। এই সুপারিশের কোনো অংশ প্রচলিত বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সহিত সাংঘর্ষিক হইলে সেই অংশটুকু বাতিল বলিয়া গণ্য হইবে।

সৈয়দ আমিনুল ইসলাম
চেয়ারম্যান (সিনিয়র জেলা জজ)
নিম্নতম মজুরী বোর্ড, ঢাকা।

অধ্যাপক ড. মোঃ কামাল উদ্দীন
নিরপেক্ষ সদস্য

কাজী সাইফুদ্দীন আহমদ
মালিকগণের প্রতিনিধিত্বকারী সদস্য

ফজলুল হক মন্টু
মালিকগণের প্রতিনিধিত্বকারী সদস্য

হেদায়েতুল ইসলাম
সংশ্লিষ্ট শিল্পের মালিকগণের প্রতিনিধিত্বকারী সদস্য।

হাজী মোঃ জাকির হোসেন মুখা

সংশ্লিষ্ট শিল্পে নিযুক্ত শ্রমিকগণের প্রতিনিধিত্বকারী সদস্য।

তফসিল “ক”

শ্রমিকগণের জন্য নিম্নতম মজুরী হার

শ্রমিক পদবিন্যাস ও শ্রেণি বিভাগ	মাসিক মূল মজুরী (টাকা)	বাড়ী ভাড়া ভাতা (টাকা) (মূল মজুরীর ৪০%)	চিকিৎসা ভাতা (টাকা)	যাতায়াত ভাতা (টাকা)	খাদ্য ভাতা/ রেশন ভাতা (টাকা)	সর্বমোট মজুরী (টাকা)
শ্রেণি-১:	৮৫০০/-	৩৪০০/-	৫০০/-	৩০০/-	২০০/-	১২৯২০/-
১। ফোরম্যান						
২। সিনিয়র অপারেটর (প্রোডাকশন এবং মেইটেন্যান্স এর জন্য)						
৩। মেকানিক্যাল সুপারভাইজার						
৪। সিনিয়র কোয়ালিটি ইন্সপেক্টর						

১	২	৩	৪	৫	৬	৭
শ্রেণি-২	৭৮০০/-	৩১২০/-	৫০০/-	৩০০/-	২০০/-	১১৯০০/-
১। সিনিয়র অপারেটর (প্রোডাকশন এবং মেইন্টেন্যান্স এর জন্য)						
২। মেশিন অপারেটর/মেশিনম্যান						
৩। হ্যান্ড মেশিন অপারেটর						
৪। ইলেকট্রিশিয়ান						
৫। টেকনিশিয়ান (মোল্ড)						
৬। ওয়েল্ডার						
৭। কোয়ালিটি ইন্সপেক্টর						
৮। মেকানিক						
৯। অ্যাসেম্বলার						
১০। স্যাম্পলম্যান						
১১। অপারেটর (বয়লার, জেনারেটর, চিলার, কম্প্রেসর, পাম্প)						
শ্রেণি-৩	৬৫০০/-	২৬০০/-	৫০০/-	৩০০/-	২০০/-	১০১০০/-
১। ফিটার						
২। প্যাকার						
৩। সহকারী অপারেটর (প্রোডাকশন এবং মেইন্টেন্যান্স এর জন্য)						
৪। সহকারী ইলেকট্রিশিয়ান						
৫। সহকারী টেকনিশিয়ান (মোল্ড)						
৬। সহকারী ওয়েল্ডার						
৭। সহকারী কোয়ালিটি ইন্সপেক্টর						
৮। সহকারী মেকানিক/জুনিয়র মেশিনম্যান/ মেশিন সহকারী						
৯। সহকারী অ্যাসেম্বলার						
১০। কাটারম্যান/কাটিংম্যান						
শ্রেণি-৪	৫০০০/-	২০০০/-	৫০০/-	৩০০/-	২০০/-	৮০০০/-
১। সহকারী ফিটার/প্লাম্বার/পেইন্টার/ ম্যাসন						
২। সহকারী প্যাকার						
৩। সাধারণ শ্রমিক						
৪। হেলপার (সকল সেকশন)						
৫। মোল্ড পলিশার						

● শিক্ষানবিশ:

- (ক) শিক্ষানবিশীকাল ৩(তিন) মাস। তবে শর্ত থাকে যে, একজন শ্রমিকের ক্ষেত্রে শিক্ষানবিশীকাল আরও ৩(তিন) মাস বৃদ্ধি করা যাইবে যদি কোনো কারণে প্রথম ৩(তিন) মাস শিক্ষানবিশীকালে তাহার কাজের মান নির্ণয় করা সম্ভব না হয়।
- (খ) শিক্ষানবিশীকালে শিক্ষানবিশ শ্রমিক মাসিক সর্বসাকুল্যে = ৬৫০০/- (ছয় হাজার পাঁচশত) টাকা প্রাপ্ত হইবেন।
- (গ) শিক্ষানবিশীকাল সন্তোষজনকভাবে সমাপ্ত হইবার পর শিক্ষানবিশ শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।

তফসিল “খ”

কর্মচারীগণের জন্য নিম্নতম মজুরী হার

শ্রমিক পদবিন্যাস ও শ্রেণি বিভাগ	মাসিক মূল মজুরী (টাকা)	বাড়ী ভাড়া ভাতা (টাকা) (মূল মজুরীর ৪০%)	চিকিৎসা ভাতা (টাকা)	যাতায়াত ভাতা (টাকা)	খাদ্য ভাতা/ রেশন ভাতা (টাকা)	সর্বমোট মজুরী (টাকা)
১	২	৩	৪	৫	৬	৭
গ্রেড-১: ১। স্টোর কিপার ২। সিনিয়র ফায়ারম্যান ৩। হিসাবরক্ষক ৪। কম্পিউটার অপারেটর ৫। সিনিয়র অফিস সহকারী ৬। টাইম কিপার	৭৮০০/-	৩১২০/-	৫০০/-	৩০০/-	২০০/-	১১৯০০/-
গ্রেড-২ ১। অফিস সহকারী ২। সহকারী হিসাবরক্ষক/ক্যাশিয়ার ৩। নার্স/মেডিক্যাল সহকারী ৪। সহকারী স্টোর কিপার/স্টোর এসিস্ট্যান্ট ৫। জুনিয়র কম্পিউটার অপারেটর ৬। টেলিফোন অপারেটর ৭। ড্রাইভার ৮। ডিস্ট্রিবিউসন সহকারী/সেলসম্যান ৯। এইচ আর/কমপ্লায়েন্স/এডমিন সহকারী ১০। লিফট অপারেটর	৬৫০০/-	২৬০০/-	৫০০/-	৩০০/-	২০০/-	১০১০০/-

১	২	৩	৪	৫	৬	৭
শ্রেণী-৩	৫০০০/-	২০০০/-	৫০০/-	৩০০/-	২০০/-	৮০০০/-
১। পিয়ন						
২। কুক						
৩। দারওয়ান/নিরাপত্তা গ্রহরী/পাহারাদার						
৪। সুইপার/ক্লিনার/ঝাড়দার						
৫। গার্ডেনার/ক্যান্টিন বয়						
৬। আয়া/বুয়া						
৭। বেবী সিটার						
৮। দপ্তরি						
৯। সহকারী প্রোডাকশন রিপোর্টার						
১০। ডিস্ট্রিবিউশন হেলপার						
১১। ড্রাইভার সহকারী						
১২। সহকারী ফায়ারম্যান						

● **শিক্ষানবিস:**

- (ক) শিক্ষানবিশীকালে শিক্ষানবিশ শ্রমিক মাসিক সর্বসাকুল্যে = ৬৫০০/- (ছয় হাজার পাঁচশত) টাকা প্রাপ্ত হইবেন।
- (খ) শিক্ষানবিশীকাল ০৬ (ছয়) মাস।
- (গ) শিক্ষানবিশীকাল সমাপ্ত হইবার পর শিক্ষানবিশ শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।

মোঃ তারিকুল ইসলাম খান, উপপরিচালক, বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।

মোঃ আব্দুল মালেক, উপপরিচালক, বাংলাদেশ ফরম ও প্রকাশনা অফিস, তেজগাঁও,

ঢাকা কর্তৃক প্রকাশিত। web site : www.bgpress.gov.bd